



PORTAL MALAYSIABIZ : PENUHI KEPERLUAN KOMUNITI PERNIAGAAN

Kuching, 8 Ogos 2017- Portal MalaysiaBiz yang dibangunkan oleh MAMPU dilancarkan hari ini bagi membolehkan komuniti perniagaan di Sarawak mendapatkan informasi pendaftaran dan pelesenan perniagaan dengan cepat dan mudah. Dengan pelancaran ini, Portal MalaysiaBiz yang dibangunkan melalui Inisiatif Program Berimpak Tinggi 1 (*High Impact Programme*, HIP 1) di bawah Pelan Induk PKS 2012-2020 oleh SME Corp. Malaysia mula diperluaskan pengaplikasiannya di Sarawak. Perasmian Portal MalaysiaBiz telah disempurnakan oleh Menteri di Jabatan Perdana Menteri, YB Datuk Joseph Entulu Anak Belaun di INTAN Sarawak, Kota Samarahan.

Keistimewaan utama Portal MalaysiaBiz ialah ia memaparkan informasi pelesenan secara horizontal merentasi pelbagai Pihak Berkuasa Melesen (PBM) yang meliputi 1,174 aktiviti perniagaan dalam pelbagai bidang ekonomi berdasarkan Piawai Klasifikasi Industri Malaysia atau *Malaysia Standard Industrial Classification* (MSIC) 2008 yang disediakan oleh Jabatan Perangkaan Malaysia.

“Portal ini boleh diakses oleh komuniti perniagaan di negeri-negeri Semenanjung Malaysia sejak Jun 2016. MAMPU telah bekerjasama dengan Kerajaan Negeri Sarawak serta pihak berkuasa negeri bagi membolehkan portal ini turut dimanfaatkan oleh komuniti perniagaan di negeri Sarawak. Hasilnya, mulai bulan Mei 2017, informasi pendaftaran dan pelesenan perniagaan di Portal MalaysiaBiz bagi 99 pihak berkuasa di negeri Sarawak telah berjaya disediakan,” tambah Joseph.

Menjelang tahun 2020, Portal MalaysiaBiz akan turut diperluaskan kepada penyediaan perkhidmatan permohonan pendaftaran dan pelesenan perniagaan melalui satu gerbang perkhidmatan. Ini sekaligus akan mempercepat lagi proses memulakan perniagaan dan menggalakkan pertumbuhan ekonomi setempat terutamanya di Sarawak yang taburan PKSnya pada tahun 2016 merangkumi 6.7% daripada jumlah keseluruhan pertumbuhan PKS di Malaysia.

Turut hadir ke Majlis Pelancaran MalaysiaBiz Portal di Sarawak adalah YB Datuk Amar Awang Tengah Ali Hasan, Menteri Pembangunan

Perindustrian dan Usahawan Sarawak, YBhg. Dato' Dr. Mazlan Yusoff, Ketua Pengarah MAMPU; YBhg. Datuk (Dr.) Hafsah Hashim, Ketua Eksekutif SME Corp. Malaysia dan YBhg. Datu Liaw Soon Eng, Setiausaha Tetap, Kementerian Pembangunan Perindustrian dan Usahawan Sarawak.

Di majlis yang sama, Joseph turut menyampaikan sijil pelantikan kepada 190 Rakan Informasi Lesen (RIL) daripada 99 pihak berkuasa negeri Sarawak.

-TAMAT-

Untuk maklumat lanjut sila hubungi :

- i. Puan Nur Haneem Binti Mohamad Ali
Bahagian Perancangan dan Komunikasi Korporat
Unit Permodenan Tadbiran dan Perancangan Pengurusan Malaysia
(MAMPU),
Jabatan Perdana Menteri
Tel : 03-88723138
Fax : 03-88883566
Email : pro@mampu.gov.my
- ii. Cik Amy Sarah Ahmad Fuad
Bahagian Komunikasi Strategik
SME Corp. Malaysia
Tel : 603 2775 6352
Fax: 603 2775 6315
Email: amysarah@smecorp.gov.my

MAMPU

Unit Pemodenan Tadbiran dan Perancangan Pengurusan Malaysia (MAMPU) merupakan sebuah agensi pusat yang memainkan peranan penting dalam memacu dan mentransformasi sistem penyampaian perkhidmatan awam. MAMPU telah bertindak sebagai penggerak dan agen perubahan pentadbiran dan pengurusan bagi perkhidmatan awam dengan memperkenalkan dan mempromosikan program-program pembaharuan bagi jentera pentadbiran serta menilai dan mengiktiraf tahap prestasi agensi kerajaan dalam pengurusan dan penyampaian perkhidmatan awam yang cekap, berkesan dan responsif.

SME Corp. Malaysia

SME Corp. Malaysia merupakan sebuah Agensi Penyelaras Pusat yang menggubal dasar umum dan strategi PKS serta menyelaras pelaksanaan Program Pembangunan PKS anjuran semua Kementerian dan Agensi yang berkaitan. Ia bertindak sebagai pusat rujukan setempat bagi penyelidikan dan penyebaran data PKS serta sebagai pusat perhubungan untuk maklumat dan menyediakan khidmat nasihat untuk PKS di Malaysia. SME Corp. Malaysia turut memainkan peranan sebagai Sekretariat kepada Majlis Pembangunan PKS Kebangsaan (MPPK) yang dipengerusikan oleh Y.A.B. Perdana Menteri Malaysia.